

Religiøse hovudplagg på arbeidsplassen

Det er i hovudsak tillate å bruke religiøse hovudplagg som hijab, turban og kalott i arbeidstida, viss det ikkje er til hinder for at ein kan gjere arbeidet. Saklege grunner for å forby religiøse hovudplagg på arbeidsplassen kan vere omsyn til sikkerheit eller hygiene.

Arbeidsgivar kan stille krav til korleis ein arbeidstakar skal kle seg i arbeidstida. I enkelte tilfelle er ei uniform eller eit anna arbeidsantrekk eit absolutt krav. I andre tilfelle er kravet avgrensa til at antrekket skal vere «pent».

Ei anna viktig avgrensing gjeld i situasjonar der arbeidstakarar ønsker å bruke religiøse hovudplagg. Med «religiøst hovudplagg» meiner ein for eksempel hijab eller religiøse hovudplagg som mannlege sikhar og medlemmer av det mosaiske trussamfunn bruker. I hovudsak kan arbeidstakarar bruke slike hovudplagg, men arbeidsgivaren har rett til å stille krav til utforminga av hovudplagget, for eksempel i samband med bruk av uniform eller arbeidsantrekk.

Sakleg grunn til forbod

Arbeidsgivaren kan berre i spesielle tilfelle nekte tilsette å bruke religiøse hovudplagg. Eit forbod må ha saklege grunnar og formål. I nokre samanhengar blir det til dømes stilt særskilte krav til hygiene eller sikkerheit på arbeidsplassen. I slike tilfelle kan det vere sakleg med eit forbod mot bruk av hovudplagg.

Treng du råd?

Likestillings- og diskrimineringsombodet kan svare på spørsmål om pliktane til arbeidsgivaren og kan hjelpe til med å finne praktiske løysingar:

[Likestillings- og diskrimineringsombodet \(ldo.no\)](https://www.liketillingsombudet.no)

Kven handhevar lova?

Frå 1. januar 2018 er det Diskrimineringsnemnda som handhevar diskrimineringsforboda i likestillings- og diskrimineringslova og i arbeidsmiljøloven § 13-1 (unntatt tredje ledd): [Diskrimineringsnemnda \(diskrimineringsnemnda.no\)](https://www.dkn.no)

Meir informasjon

Sjå Likestillings- og diskrimineringsombodet si nettside: [Religion på arbeidsplassen \(ldo.no\)](https://www.liketillingsombudet.no)

Regelverk

Om forbod mot diskriminering i likestillings- og diskrimineringslova: [Likestillings- og diskrimineringslova \(lovdata.no\)](#)

Om forbod mot diskriminering i arbeidsmiljølova: [Arbeidsmiljølova § 13-1](#)
